

张潮《与孔东塘书》十八封

顾国瑞 刘 辉 辑

一、与孔东塘国博

《笔歌》曾录完否？仆于此道原非当行，不意过蒙蒲馱之嗜，以家无副本，不得不专人领回。且闻驾按吴门，恐仓卒之际，或致遗失耳。（《尺牋偶存》卷一）

二、与孔东塘国博

闻驾到扬，俗冗未遑趋谒。拙著《联庄》呈政，倘蒙点定，不啻面聆塵海也。此地官长主持风雅者，自阮亭、长真两先生后，几成绝响，幸得老世台再为式靡起衰，真斯道之幸。然为王、金两先生易而为老世台难，盖彼居得为之地，自足以奔走贤豪，今世台独以闲曹冷署，又且来往靡常，而行署所在，坐客常满，何快如之。

敝友朱子天绮，乃祖则潜心理学，尊人亦曾中副车。天兄家学渊源，复耽吟咏，以老世台为坛坫宗工，欲一识荆州而后快。特挽鄙言为介，惟希进而教之，则所感不独天绮一人已也。（《尺牋偶存》卷一）

三 寄孔东塘国博

判袂以来，屡更裘葛，缅惟道范，靡日不思，固不待望云树以徘徊，睹梁月而容与也。老年世台先生宸眷殷隆，行且晋登枢

要，何慰如之。年来乐育英才之暇，新著当遍满长安，恨不获躬
谊台堦、饱读奇书，为怅怅耳。兹值敝宗入都之便，肃候台禧，
附有拙著数种呈教。临风翘企，不尽溯洄。（《尺牍偶存》卷二）

四 寄孔东塘国博

尺素久疎，寸丹莫展，每怀道范，不胜萧艾之思。幸时于
《鞞下和鸣集》中得以快读高吟，不啻亲承譬欬也。客岁马众老
到扬，拜接瑶函，极承垂注，兼悉近祉，何慰如之。绛帐谈经之
暇，新著必又等身，所望不时颁读为禱。奉怀拙句属友人针之扇
头，并藏墨一函，聊以伴絨，伏祈莞纳。近刻数笺，附呈台教。
临风翘企，神与俱驰。（《尺牍偶存》卷四）

五 再与孔东塘国博

前月一絨及奉怀拙句，附菊山肃候，不谓菊兄迟迟其行。今
林桐老过邗，又接瑶翰，备悉近祉，然终日弄石，独不虑有非第
公爱我亦爱者耶！至所云以不能回席为苦，仆则谓回席方为大
苦。若时赴文酒之会而又不须回席，岂非极乐世界乎？近刻丛
书，特呈台政，尊著有类此者不妨邮示，以为二集、三集之地。
二集所辑已将五十种，拟以明年授梓也。林桐老行旌匆遽，仆报
谒时已去真州矣，附达。不宣。（《尺牍偶存》卷四）

六 寄复孔东塘主政

入春以来，风和日丽，遥想老年世台先生鼎裀新祉，定如淮
阴将兵，多多益善，喜可知也。人日接得瑶函暨王阮亭先生所寄
小品一十三种，不啻珊瑚间木难，光怪陆离，莫可名状。惜闵左
兄携至中途，几为波臣所得，水痕浸润，缥緜皆绉如漉文，为怅
怅耳。《檀几丛书》原与武林王丹老共事，今岁有二集之役。弟
去年另有《昭代丛书》之刻，今邮呈台政。此两书，每部各五十
种，截长补短，每种合得十翻，是以至多者不得过三十翻，庶购

者、梓者皆易为力，其大指在选例中。今蒙王先生惠书，将来正欲借光分入诸集压多宝船，其为庆幸当何似也。

拙著《幽梦影》，今年亦欲付梓。前岁托宣城友人袁中江携入都门，丐诸老先生评语，中江忽作古人，不识此书浮沉何地也。今一面付梓，留木以待，补评尚可增入耳。

附有恳者，往岁圣驾南巡，颁赐天下老人粟帛。鄙意欲将百岁老人，照京、省次第，某省、某姓名、系何郡县人，其九十、八十者附于其后，名曰《人瑞录》，亦可为《昭代丛书》之一种。敬烦先生传谕户曹贵役，详考备录寄来，其编录即借光台銜，何如？又往岁曾有奉怀诗，针之扇头，鱼雁未通，今特补寄，并望鉴原为荷。临楫驰企，曷胜主臣。（《尺牍偶存》卷五）

七 与孔东塘户部

天上贵人能推襟送抱不忘旧雨者，当以老年世台先生为第一。凡有自长安来者，必首询起居，多福为快也。邮人入都亦曾屡有寸言通候，并附政拙刻。今读来教，似鄙函俱属浮沉，殷洪乔误人不浅。敢以向日札稿录副呈到，聊表鄙人之心耳。王阮翁先生种种佳刻，陆续借光分入诸集中，先以《檀几丛书》二集梓就者寄上阮翁。俟书成后，烦先生为我代恳王先生一序，暇时不妨先露此意，何如？拙选暨近刻，前者既未寄到，兹特补寄。邇上诸同人俱各代致尊意，亦俱属笔候近祉，附达左右。馀惟珍重，不宜。（《尺牍偶存》卷五）

八 与孔东塘户部

仲秋二十六日一函寄候，并附政拙刻，外又一函致王阮亭先生。因敝宗珊来忽有华阴之游，故转附邮人送上，想已久达典籥，幸颁回示。切祷，切祷。红兰主人处曾寄有拙刻暨查二瞻字一卷，亦以珊来不果于行，遂于九月初三日附郡经历徐公祖解饷之便，想当不误，敢恳先生代问曾否收到为荷。兹以许子柔舍亲

北上，数行奉候，匆匆不及视缕。主臣，主臣。（《尺牍偶存》卷五）

九 寄孔东塘户部

杪秋廿四日一函奉寄，附有拙著《凯旋诗歌》，想蒙点定。阳月上弦接到台翰，如裊清辉，忭慰为剧。老年世台先生虽官居臈仕，然高风亮节，可想而知。新句所云：“有人来看孔方兄”者，皆未尝深知先生者也。

王阮亭先生诸小品，今岁所梓者，并不敢有所异同。尝忆先君云：《宋人百种》，每帙仅两三页，病其太少，谓必采自陶九成《说郛》中，剪头截尾而然。及检阅《说郛》则亦仅数幅，时时以为憾事。今阮翁预筹及此，诚为卓识。然弟前月所续寄《长白山录》样本数页，已有碑文在内，特未完耳，想阮翁见之，便有以知弟之选例也。向日奉寄扇、墨，今已无从访问，俟来岁有由水路入都者。另有奉怀拙句寄上，以叙阔惊也。天寒，伏惟珍重，不悉。（《尺牍偶存》卷五）

十 寄孔东塘户部

献春虽不敢以寒温套语有愿清心，然新社定知加胜也。客冬晤顾天老，深悉老世台先生不屑同于俗，敢即佳句翻案成诗，聊以奉怀，兼博一笑。又旧诗仍嘱友人针就，一并呈教。《檀几丛书》二集，今已告成，并奉寄一部，检入是荷。临池神往，不尽所云。（《尺牍偶存》卷五）

十一 寄孔东塘户部

春杪一缄，寄候新禧，并附拙著，想久当呈台电矣。许久不接琅函，知新篇又当盈篋，千希惠读，以为程式，是荷。广陵诸同人，每晤间必首询先生起居佳胜，弟皆一一代致台旨。诸君亦均属笔致候，不敢不为转达。小诗奉怀，虽愧不工，然颇非寒温套语，或鉴其诚而恕之，未可知也。

附有愚者，往岁圣驾南巡，恩赐天下老人粟帛，弟欲先生辑成一书，百岁者某省若干人、某省若干人，九十、八十者亦复如之，名曰《人瑞录》，载入拙选《昭代丛书》。曩日亦曾奉读，迄今未蒙见示，当是前札误付洪乔。今选刻《昭代》乙集，仍望先生特谕贵衙门该役遍检各省册籍，抄录成书，其编辑借光台讳，想亦老世台之所乐为者也。千希从祷。乙集刻样数张附上。又《檀几丛书》二集一部、《读书论世》一部，统呈台政。临风驰企，不胜溯洄。（《尺牍偶存》卷六）

十二 寄孔东塘户部

客冬喜接琅函，并披缙帙，饱读一过，快不可言。献春新社，非仆一人私祝，凡属知交，共切纯嘏天申之颂，喜可知也。

大著《人瑞录》、《出山异数记》，暨金素老《旗军志》、又《鹤鹑谱》种种，俱欲借光入拙选丛书乙集中。惟“出山异数”四字，其命名似尚未能统括无遗。盖驾幸阙里，自是朝廷尊师重道，超越古今盛举，初非一人一家之事，而史馆所纂修“盛典”一书，又非草野儒生所能窥见，正赖先生此篇有以知其详悉，而先生之独蒙异数，则又出于寻常一切之上，读之令人感发而兴起，窃欲潜拟易其名曰《幸鲁承恩私记》，庶于篇中所载无复遗义。然仆不敢自专，谨述其臆见质于高明，惟老年世台先生定其可否。又，其中“予”字，概欲易为台讳更妙，统祈回示。切祷，切祷。其《鹤鹑谱》，不知作者为何时人，名某、字某，里居何处，倘有可考，并望示知。《小忽雷》传奇，顾天老过邗曾一道及。今读卷首，真觉别开生面，想场上与案头无一不极其妙，倘梓成，尚祈颁读。临风翹企，神与俱驰。（《尺牍偶存》卷七）

十三 与孔东塘

今春一函寄候，人还，未领报章。询之邮人云：适值送驾南巡。此言定当不谬。大著已经梓就，印样呈览。其篇名，前札奉

商，悉惟裁定。石村年翁《画诀》，亦已付梓。《小忽雷》传奇当已成书，便邮尚祈颁读，为荷。镶杯十二副，下暑“石门”二字，幸莞存之。馀情缕缕，不悉。（《尺牍偶存》卷七）

十四 与孔东塘

姜梓人来，领到琅函，备悉近祉，喜慰殊剧。后又承颁手谕，知弟六月之札未达台增。此札并伴函，六月初一、二日发行，系梓人凌公朴领去，或水路稍有稽迟亦未可定，计此日断无不到之理矣。大著《出山异数记》，老年世台尊意既以书名不须另订，谨如台旨。此书已将告成，因高江村先生有所寄而未到，不得不虚梨以待耳。陈健老匆匆一晤，即有吴越之游，俟其荣旋，再容修候。兹以姜子之便，数行附达。临风翘企，曷胜主臣。

（《尺牍偶存》卷七）

十五 寄孔东塘

鱼雁久疎，非是嵇康性懒，祇以所闻不一，或云文驾在圣公许，或云车骑即按广陵。“常疑即见面，翻致久无书”，昔人所言诚为不谬。余尺老来，得接手教，始知旌节仍驻都城，兼有观涛之兴，把臂非遥，尤为喜慰。先生以诗酒去官，正如柳屯田奉旨填词，自是千秋佳话，旷达之怀，想亦必作此解耳。新著定得插架，有梓就者幸于便邮中颁示一二，为荷。

弟自前岁误堕坑阱中，先人所遗尽为乌有。因自号为三在道人，仅存田宅与此身，馀者俱不可复问。陈健老想能言其概。或有谈及弟者，望先生以实告之，庶知此日之张山来，其近况如是也。兹以顾尔兄旋京之便，肃候崇禧，馀不多及。（《尺牍偶存》卷八）

十六 寄孔东塘

两候兴居，定当得达。然迄今未叨塵海，则弟前札疑又浮

沉，怅快何似。顾天老近自阙里来，询知近履佳胜，深慰鄙私。年先生望重东山，自是庙堂圭璧，赐环宠召，拭目竣之。黄交三兄想久到京，晤间便知扬州近况。兹值便羽，肃候崇禧。临颖，曷胜翹切。（《尺牘偶存》卷九）

十七 寄孔东塘

仲秋捧到琅函，荏苒又将冬半，遥瞻紫气，如接塵谈，忭慰何似。黄舍亲斯肯近叨渠海，尤佩雅怀。所云丛书，遵命奉到，祈代致之。弟数年以来，生计萧条，颓唐日甚，有不堪为知己告者。近作呈教，阅之便能识其大概也。

《桃花扇》传奇，邗上已有能演之者，旗亭画壁，快心可知。惟《小忽雷》全部，尚未惠读，不识能一邮示乎？兹以吴舍亲计偕之便，肃候崇禧，尚惟珍摄。临颖，曷胜翹企。（《尺牘偶存》卷九）

十八 复孔东塘

裘葛虽更，梦魂不隔，匪仅月朗风清，才思之度也。屡欲草数行奉候，缘所闻不一，究不审车骑按临何地。忽拜翰教，如接塵谈，兼悉近祉，欣慰殊剧。弟自己卯年失足以来，日就贫约，然安贫自是读书人分内事，无足异者，但不无以此失往来宾客懽耳。李大村《古逸诗选》未见梓行。卓子任《遗民诗》虽刻有二、三百张，恐亦难以竣事，今以其存弟处者奉寄，并拙选丛书丙集一部、拙著四种呈教，抛砖引玉，冀颁大刻，以慰调饥耳。敝乡紫霞茶一锡，聊奉清供，统冀麾存。临风翹切。（《尺牘偶存》卷九）

